

BOSNA I HERCEGOVINA  
FEDERACIJA BOSNE I HERCEGOVINE  
UNSKO – SANSKI KANTON  
OPĆINSKI SUD U BOSANSKOJ KRUPI

Broj: 018-0-Su-26-000 130/1

Dana, 04.03.2026.godine

U skladu sa ovlaštenjima iz člana 31. Zakona o sudovima u Federaciji BiH („Službene novine F BiH“ br: 38/05, 22/06, 63/10, 72/10, 7/13, 52/14 i 85/21) i člana 8. tačka a) i b) Pravilnika o unutrašnjem sudskom poslovanju („Službeni glasnik BiH“ broj: 66/12, 40/14, 54/17, 60/17, 30/18, 83/22 i 79/25), a na osnovu člana 39. i 88. Zakona o zaštiti ličnih podataka („Službeni glasnik BiH“ broj: 12/25), predsjednik Općinskog suda u Bosanskoj Krupi donosi:

**O D L U K U**  
**o imenovanju službenika za zaštitu ličnih podataka**

**Član 1.**

- (1) Državni službenik **SELMA BUŽIMKIĆ**, Viši stručni saradnik-zemljišnoknjižni referent u Općinskom sudu u Bosanskoj Krupi, imenuje se za **službenika za zaštitu ličnih podataka u Općinskom sudu u Bosanskoj Krupi**.
- (2) Kontakt podaci za imenovanog službenika za zaštitu ličnih podataka su:  
E-mail: [selma.buzimkic@zkuredopsudbkrupa.ba](mailto:selma.buzimkic@zkuredopsudbkrupa.ba), kontakt telefon: +387 37 476 538.

**Član 2.**

- (1) Službenik za zaštitu ličnih podataka ima status, zadatke i nadležnosti propisane odredbama člana 40. i 41. Zakona o zaštiti ličnih podataka.
- (2) U skladu sa članom 90. Zakona o zaštiti ličnih podataka, službeniku za zaštitu ličnih podataka povjerava se obavljanje i slijedećih zadataka:
  - da informiše i savjetuje predsjednika suda i ostale uposlene koji rade na obradi ličnih podataka, o njihovim obavezama iz Zakona o zaštiti ličnih podataka i drugih zakona kojima se propisuje zaštita ličnih podataka, te daje preporuke za rad i postupanje;
  - da prati primjenu Zakona o zaštiti ličnih podataka i drugih zakona kojima se propisuje zaštita ličnih podataka;
  - da sarađuje sa Agencijom za zaštitu ličnih podataka Bosne i Hercegovine i
  - da postupa po zahtjevima i prigovorima u vezi sa obradom ličnih podataka.

**Član 3.**

- (1) Službenik za zaštitu ličnih podataka biće na odgovarajući način blagovremeno uključen u sva pitanja koja se tiču zaštite ličnih podataka.
- (2) Ovaj sud će podržavati službenika za zaštitu ličnih podataka u izvršavanju zadataka pružajući mu potrebna sredstva za izvršavanje tih zadataka i pristup ličnim podacima i postupcima obrade, kao i za održavanje njegovog stručnog znanja.

#### Član 4.

Za obavljanje poslova i zadataka, službenik za zaštitu ličnih podataka odgovara predsjedniku ovog Suda.

#### Član 5.

Službenik za zaštitu ličnih podataka dužan je čuvati povjerljivost svih informacija i podataka koje sazna u obavljanju svoje dužnosti.

Ova obaveza traje i nakon prestanka obavljanja dužnosti Službenika za zaštitu ličnih podataka.

#### Član 6.

Ova odluka stupa na snagu danom donošenja i biće objavljena na službenoj web-stranci Općinskog suda u Bosanskoj Krupi.

### Obrazloženje

U skladu sa članom 39. Zakona o zaštiti ličnih podataka, svaki organ koji obrađuje lične podatke dužan je imenovati službenika za zaštitu ličnih podataka, čiji su zadaci i odgovornosti utvrđene članom 41. istog Zakona.

U cilju zakonite i transparentne obrade ličnih podataka, te institucionalne odgovornosti u pogledu zaštite ličnih podataka, a cijeneći da imenovani službenik iz člana 1. posjeduje potrebnu stručnost i kvalifikaciju, pristupilo se imenovanju službenika za zaštitu ličnih podataka u Općinskom sudu u Bosanskoj Krupi, kako je to navedeno u dispozitivu ove odluke.

#### DOSTAVLJENO:

1. imenovanom službeniku
2. Agenciji za zaštitu ličnih podataka BiH
3. personalni dosije
4. a.a.



**PREDSJEDNIK SUDA**

Puškar Emir